

唐書合鈔

唐書卷第九

本紀九

元宗下

開元二十五年春正月壬午制朕猥集休運多謝哲王  
然而哀矜之情小大必慎自臨寰宇子育黎蒸未嘗行  
極刑起大獄上元降鑒應以祥和思協平邦之典致之  
仁壽之域自今有犯死刑除十惡罪宜令中書門下與  
法官詳所犯輕重具狀奏聞崇德尚齒三代丕義敦風  
勸俗五教攸先其曾任五品已上清資官以禮去職者  
所司具錄名奏老疾不堪釐務者與致仕道士女冠宜  
隸宗正寺僧尼令祠部檢校百司每旬節休假並不須

入曹司任遊勝爲樂宣示中外知朕意焉癸卯道士尹  
愔爲諫議大夫集賢學士兼知史館事二月新羅王金  
興光卒其子承慶嗣位遣贊善大夫邢璣攝鴻臚少卿  
往弔祭冊立之壬子加宗正丞一員戊午罷江淮運停  
河北運癸酉張守珪破契丹餘衆於捺祿山殺獲甚衆

新書在三  
月乙酉

三月辛卯河西節度使崔希逸自涼州南率

衆入吐蕃界二千餘里己亥希逸至青海西郎佐素文  
子觜與賊相遇大破之斬首二千餘級夏四月庚戌陳  
許豫壽四州開稻田辛酉監察御史周子諒上書忤旨  
擢之殿庭朝堂決杖死之甲子尚書右丞相張九齡以

會薦引子諒左授荊州長史乙丑皇太子瑛鄂王瑤光

王琚並廢爲庶人

皆殺之

太子妃兄駙馬都尉薛鏞長流

讓州至藍田驛賜死六月壬戌熒惑犯房至心星越度

而過秋七月己卯大理少卿徐岵

刑法志名嶠

奏天下今歲

斷死刑五十八幾致刑措烏巢寺之獄上特推功元輔

庚申封李林甫爲晉國公牛仙客爲幽國公己卯敕諸

陵廟竝隸宗正寺其宗正寺官員自今竝以宗枝爲之

九月壬申頒新定令式格及事類一百三十卷於天下

冬十月制自今年每年立春日迎春於東郊其夏及秋

冬如常以十二月朔日於正殿受朝讀時令十一月壬

申幸溫泉宮丁巳開府儀同三司廣平郡公朱璟薨乙酉

至自溫十二月丙午惠妃武氏薨丁巳追謚為貞順皇后

葬於敬陵吐蕃使其大臣屬盧論莽藏來朝貢

二十六年春正月甲戌潮州刺史陳思挺謀反伏誅乙亥工部尚書牛

仙客為懷侍中丁丑親迎氣於東郊祀青帝制天下繫

囚死罪流嶺南餘竝放免鎮兵部還京兆府新開稻田

並散給貧人禁王公獻珍物百官賜勲絹長安萬年兩縣各與

本錢一千貫收利供驛仍付雜驛天下州縣每鄉一學

仍擇師資令其教授諸鄉貢每年令就國子監謁先師

明經加口試內外八品已下及草澤有博學文辭之士

各委本司本州聞薦辛卯新書壬辰以李林甫遙領隴右節

度使

副大

二月甲辰禁寒食以雞卵相饋送乙卯以牛

仙客遙領河東道節度使

副大

庚申葬貞順皇后於敬

陵辛酉廢仙州分其屬縣隸許汝等州三月己巳朔減

祕書省校書正字官員丙子有星孛於紫微垣中歷斗

魁十餘日因陰雲不見乙酉河南洛陽兩縣亦借本錢

一千貫收利充人吏課役癸巳京師地震吐蕃寇河西

左散騎常侍崔希逸擊破之鄯州都督杜希望又攻拔

新羅城制以其城爲威戎軍

吐蕃傳作威武軍

夏四月己亥朔

始令太常卿韋縉讀時令於宣政殿百僚於殿上列坐

而聽之以下原之五月乙酉以李林甫遙領河西節度

使副大兼判梁涼當作州事庚寅幸咸宜公主宅六月庚

子立忠王璵為皇太子秋七月己巳冊皇太子大赦天

下常赦所不免者咸赦除之內外文武官及五品已下

為父後者各賜勲一轉忠王府官及侍講加一階侍老

加版授免京畿下賜酺三日庚辰分越州置明州九月

丙申朔日有食之庚子於舊六胡州之地置宥州益州

長史王昱率兵攻吐蕃安戎城為賊所據官軍大敗昱

棄甲而遁兵士死者數千人冬十月戊寅幸溫泉宮壬辰

至自溫是歲渤海靺鞨王大武藝死其子欽茂嗣立遣

泉宮

使弔祭冊立之其冬兩京建行宮造殿宇各千餘間潤  
州刺史齊澣開伊婁河於揚州南瓜州浦析左右羽林  
軍置左右龍武軍以左右萬騎營隸焉

二十七年春正月

壬寅榮王琬  
巡按隴右

乙巳大雨雪二月己巳

加尊號開元聖文神武皇帝大赦天下常赦所不免者  
咸赦除之開元已來諸色痕瘕人咸從洗滌左降官量

移近處百姓免今年租稅三品已上賜爵一級四品已

下加一階宗廟薦饗自今已後並用宗子

版授侍老百  
歲以上下州

刺史婦人郡君九十以上上州司馬  
婦人縣君八十以上縣令婦人鄉君

賜酺五日夏四月

丁丑廢洮州隸蘭州改臨州爲洮州乙酉太子少傅竇



璉爲開府儀同三司吏部尚書李暉爲太子少傅丁酉  
侍中牛仙客爲兵部尚書兼侍中兵部尚書兼中書令  
李林甫爲吏部尚書依舊兼中書令以東宮內侍隸內  
侍省爲署五月癸卯置龍武軍官員先是鄆國公主之  
子薛諗與其黨李談崔洽石如山同於京城殺人或利  
其財或違其志卽白日椎殺煮而食之其夏事發皆決  
殺於京兆府門諗以國親流瀼州賜死於城東驛六月  
甲戌內常侍牛仙童坐賊決殺之幽州節度使兼御史  
大夫張守珪以賄貶爲括州刺史太子太師徐國公蕭  
嵩以嘗賂仙童左授青州刺史秋七月辛丑熒惑犯南斗

北庭都護蓋嘉運以輕騎襲破突騎施於碎葉城殺當

禽蘇祿

當作蘇祿子吐火仙

威震西陲

新書八月乙亥案突厥傳禽於二十六年二十七年

二月獻俘

八月吐蕃寇白草安人等

下闕文○壬午吐蕃寇邊河西隴右節度使蕭

之

甲申制追贈孔宣父爲文宣王顏回爲兗國公餘

十哲皆爲侯夾坐後嗣褒聖侯改封爲文宣公九月皇

太子改名紹汴州刺史齊澣請開汴河下流自虹縣隋

清至淮陰北合於淮逾時而功畢因棄沙壅舊路行者

弊之尋而新河之水勢淙急遂填塞矣前刑部尚書致

仕崔隱甫卒冬十月將改作明堂訛言官取小兒埋於

明堂之下以爲厭勝村野童兒藏於山谷都城騷然咸

言兵至上惡之遣主客郎中王侁往東都及諸州宣慰  
百姓久之乃定毀東都明堂之上層改拆下層爲乾元  
殿丙戌幸溫泉宮十一月辛丑至自溫泉宮十二月東  
都副留守太子賓客崔沔卒以益州司馬章仇兼瓊權  
劍南節度等使是歲蓋嘉運大破突騎施之衆擒其王  
吐火仙送於京師

二十八年春正月兩京路及城中苑內種果樹癸巳幸  
溫泉宮庚子至自溫泉宮壬寅以望日御勤政樓讌羣  
臣連夜燒燈會大雪而罷因命自今常以二月望日夜  
爲之三月丁亥朔日有食之壬子權判益州長史章仇

兼瓊拔吐蕃安戎城分兵鎮守之夏五月乙未太子少

師韓休太子少傅李暉卒

癸卯吐蕃寇安戎城兼瓊又敗之

六月懷州

刺史信安王禕為太子少師庚寅

案是月無庚寅誤

太子賓客

李尚隱卒秋七月壬寅追尊宣皇帝陵名曰建初光皇

帝陵名曰啟運仍置官員

新書禮志作二十七年

九月魏州刺史

盧暉開通濟渠自石灰窠引流至州城而西卻注魏橋

庚寅封皇孫俶等十九人為郡王冬十月甲子幸溫泉

宮

以壽王妃楊氏為道士號太真戊辰以徐泗二州無蠶免今歲稅

辛巳至自溫泉宮

乙酉夜東都新殿後佛光寺災吐蕃寇安戎城十一月

牛仙客停遙兼朔方河東節度使十二月乙卯突騎施

酋長莫賀達干率衆內屬已未禮部尙書杜暹卒是歲  
金城公主薨吐蕃遣使來告喪其時頻歲豐稔京師米  
斛不滿二百天下乂安雖行萬里不持兵刃

二十九年春正月

癸巳幸溫泉宮

丁酉

禮志己丑

制兩京諸州各置

元元皇帝廟并崇元學置生徒令習老子莊子列子文  
子每年一準明經例考試內外官有伯叔兄弟子姪堪  
任刺史縣令所司親自保薦禁九品已上清資官置客  
舍邸店車坊土庶尊葬

庚子至自溫泉宮

三月吐蕃突厥各遣

使來朝丙午風霾日色無影夏四月庚戌朔丙辰以太

原尹裴仙先爲工部尙書

下闕文案韋湊傳當有工部尙書字

韋虛心卒

親王已下及內外官各賜錢令讌樂壬午

案是月無壬午當是閏月

乃脫文耳

以左金吾大將軍裴寬爲太原尹北都留守

五月庚戌

求明道德經及莊列文子者降死罪流以下原之

秋七月乙卯

新書

洛水汎漲

毀天津橋及上陽宮仗舍洛渭之間廬舍壞溺死者千

餘人突厥登利可汗死北州刺史王斛斯爲幽州節度

使幽州節度副使安祿山爲營州刺史充平盧軍節度

副使押兩番渤海黑水四府經畧使九月

丁卯

大雨雪稻

禾偃折又霖雨月餘道途阻滯是秋河北博洛等二十

四州言雨水害稼命御史中丞張倚往東都及河北賑

恤之王申御興慶門試明四子人姚子產元載等冬十

月丙申幸溫泉宮戊戌分遣大理卿崔翹等八人往諸  
道黜陟官吏十一月庚戌司空邪王守禮薨辛酉至自  
溫泉宮己巳雨木冰凝寒凍列數日不解辛未太尉寧  
王憲薨諡爲讓皇帝及其妃元氏爲皇后葬於惠陵十二月丁酉  
新書吐蕃入寇陷廓州達化縣及振武軍石堡城節度  
癸未使蓋嘉運不能守女國王趙曳夫及佛逝國王日南國  
王遣其子來朝獻

天寶元年春正月丁未朔大赦天下改元常赦不原咸  
赦除之百姓所欠負租稅及諸色並免之前資官及白  
身人有儒學博通文辭秀英及軍謀武藝者所在具以

名薦京文武官才堪爲刺史者各令封狀自舉改黃鉞

爲金鉞內外官各賜勲兩轉

賜侍老八十以上粟帛

甲寅

禮志癸丑陳

王府叅軍田同秀上言元元皇帝降見於丹鳳門之通

衢告賜靈符在尹喜之故宅上遣使就函谷故關尹喜

臺西發得之乃置元元廟於大寧坊陝郡太守李齊物

先鑿三門辛未渠成放流二月丁亥上加尊號爲開元

天寶聖文神武皇帝辛卯親享元元皇帝於新廟甲午

親享太廟丙申合祭天地於南郊例天下囚徒罪無輕

重並釋放流人移近處左降官依資敘用身死貶處者

量加追贈枉法贓十五疋當絞今加至二十疋莊子號



爲南華真人文子號爲通元真人列子號爲沖虛真人  
庚桑子號爲洞虛真人其四子所著書改爲真經崇元  
學置博士助教各一員學生一百人桃林縣改爲靈寶  
縣改侍中爲左相中書令爲右相左右丞相依舊爲僕  
射又黃門侍郎爲門下侍郎東都爲東京北都爲北京  
天下諸州改爲郡刺史改爲太守陝州河北縣爲平陸  
縣老幼字誤版授文武官三品已上加一爵四品已下加  
一階庚子平盧節度使安祿山進階驃騎大將軍夏六  
月庚寅武功山水暴漲壞人廬舍溺死數百人五行秋志無  
七月癸卯朔日有食之辛未左相幽國公牛仙客卒八

月丁丑刑部尚書兼御史大夫李適之爲左相丁亥突厥阿布思及默啜可汗之孫登利可汗之女相與率其黨屬來降壬辰吏部尚書兼右相李林甫加尚書左僕射左相李適之兼兵部尚書左僕射裴耀卿爲尚書右僕射九月辛卯

案是月當是癸卯朔無辛卯是日疑是辛亥

上御花萼樓出

宮女讌毗伽可汗妻可敦及男女等賞賜不可勝紀丙寅改天下縣名不穩及重名一百一十處兩京元元廟改爲太上元元皇帝宮天下準此冬十月丁酉幸溫泉宮辛丑改驪山爲會昌山仍於秦阮儒之所立祠宇以祀遭難諸儒新成長生殿名曰集靈臺以祀天神十一

月己巳至自溫泉宮

十二月戊戌隴右節度使皇甫惟明及吐蕃戰於青海敗之庚子河

西節度使王倕克吐蕃漁海遊奕軍朔方軍節度使王忠嗣及奚戰於桑乾河敗之遂伐突厥是歲命

陝郡太守韋堅引澧水開廣運潭於望春亭

疑當作樓之東

以通河渭京兆尹韓朝宗又分渭水入自金光門置潭

於西市之兩衙以貯材木是冬無冰其年天下郡府三

百六十二縣一千五百二十八鄉一萬六千八百二十

九戶部進計帳今年管戶八百五十二萬五千七百六

十三口四千八百九十萬九千八百

二年春正月

乙卯作昇仙宮

丙辰追尊元元皇帝爲大聖祖元

元皇帝兩京崇元學改爲崇元館博士爲學士三月壬

子親祀元元廟以冊尊號制追尊聖祖元元皇帝父周

上御史大夫敬曰先天太上皇母益壽氏號先天太后

仍於譙郡本鄉置廟尊咎繇為德明皇帝涼武昭王曰興聖皇帝

改西京元元廟為太清宮東京為太微宮天下諸郡為

紫微宮韋堅開廣濟潭畢功盛陳舟艦丙寅上幸廣運

樓以觀之即日還宮夏四月己卯皇甫惟明克吐蕃洪濟城六月甲戌夜

雷震東京應天門觀災延燒至左右延福門經日不滅

秋七月癸丑致仕禮部尚書王邱卒丙辰尚書右僕射

裴耀卿薨九月太子少保崔琳卒辛酉案是月無譙郡

紫微宮改為太清宮冬十月戊辰太子太保信安王禕

薨戊寅幸溫泉宮十一月乙卯至自溫泉宮十二月乙

亥東京應天門改爲乾元門

壬午海賊吳令光寇永嘉郡

戊申幸溫

泉宮丙辰至自溫泉宮十二月

案自戊申以下十六字疑屬衍文

乙酉

太子賓客賀知章請度爲道士還鄉是冬無雪

三載春正月丙申朔改年爲載赦見禁囚徒庚子遣左

右相已下祖別賀知章於長樂坡上賦詩贈之壬寅

新書

辛丑幸溫泉宮二月己巳

新書庚午

還京丁丑封讓皇帝男琳

爲嗣寧王故邠王守禮男承寧爲嗣邠王讓帝男璿爲

嗣申王惠宣太子男珍爲嗣岐王琚爲嗣薛王

河南尹裴敦復

晉陵郡太守劉同昇南海郡太守劉巨鱗討吳令光

庚寅皇太子紹改名亨是月

河南尹裴敦復

文下闕

卒閏月辛亥有星如月墜於東南

墜後有聲

新書在正月辛亥案天文志亦在閏月新書紀誤

京師訛言官遣根

捕人肝以祭天狗人相恐畿縣尤甚發使安之三月庚

午武威郡上言番禾縣天寶山有醴泉湧出嶺石化爲

瑞甍遠近貧乏者取以給食改番禾爲天寶縣癸酉

新書

壬申制天下見禁囚徒死罪降流流已下並原之夏四月

南海太守劉巨鱗擊破海賊吳令光永嘉郡平

新書在閏月

敕兩京天下州郡取官物鑄金銅天尊及佛各一軀送

開元觀開元寺

禮志作三月

五月戊寅長安令柳升坐贓於

朝堂決殺之秋八月丙午九姓拔悉密葉護攻殺突厥

烏蘇米施可汗傳首京師庚申內外文武官六品已下

自今已後赴任之後計載終滿二百日已上許其成考

冬十月癸巳新書甲午幸溫泉宮丁未改史國爲來威國十

一月丁卯還京癸丑案是月無癸丑誤每載依舊取正月十四

日十五日十六日開坊市門燃燈永以爲常式玉真公

主先爲女道士讓號及實封賜名持盈十二月甲午分

新豐縣置會昌縣甲寅新書癸丑親祀九宮貴神於東郊禮

畢大赦天下百姓十八已上爲中男二十三已上成丁

每歲庸調八月起徵可延至九月賜文武官階爵侍詔老粟帛民醕三日詔

天下民間家藏孝經一本

四載春

正月丙戌王忠嗣及突厥戰於薩河內山敗之

三月甲申

案甲申字有誤

宴羣

臣於勤政樓壬申封外孫獨孤氏女爲靜樂公主出降

契丹松漠都督李懷節封外孫楊氏女爲宜芳公主出

降奚饒樂都督李延寵秋八月甲辰

新書壬寅

冊太真妃楊

氏爲貴妃是月

新書五行志九月

河南睢陽淮陽譙等八郡

新書

五行志四郡

大水九月契丹及奚酋長各殺公主舉部落叛

申隴右節度使皇甫惟明與吐蕃戰於石堡城官軍不

利副將褚直廉

新書作褚誨

等死之冬十月於單于都護府

置金河縣安北都護府置陰山縣丁酉

新書戊戌

幸溫泉宮

壬子以會昌縣同京縣十二月戊戌還京



五載春正月癸酉刑部尙書韋堅貶括蒼太守隴右節度使皇甫惟明貶播川太守尋決死於黔中乙亥敕大

小縣令並準畿官吏三選聽集

停六品以下員外官

禮記月令改

爲時令封中嶽爲中天王南嶽爲司天王北嶽爲安天王天下山水名稱或同義且不經多因於里諺宜令所司各據圖籍改定三月丙子遣禮部尙書席豫左丞崔翹御史中丞王鉷等七人分行天下黜陟官吏夏四月庚寅左相渭源伯李適之爲太子少保罷知政事丁酉門下侍郎陳希烈同中書門下平章事五月

壬子朔日有食之

庚申敕今後每至旬節休假中書門下文武百僚不須

入朝外官不須衙集癸卯停郡縣差丁白直課錢六月  
敕三伏內令宰相辰時還宅秋七月丙子韋堅爲李林  
甫所構配流臨封郡賜死堅妹皇太子妃聽離堅外甥  
嗣薛王琬貶夷陵郡別駕女壻巴陵太守盧幼臨長流  
合浦郡太子少保李適之貶宜春太守到任飲藥死

殺括

蒼郡太守韋堅播川  
郡太守皇甫惟明

八月以戶部侍郎郭虛已爲御史

大夫劍南節度使九月壬子於太清宮刻石爲李林甫

陳希烈像侍於聖容之側冬十月丁酉

新書  
戊戌

幸溫泉宮

改臨淄郡爲濟南郡十一月己巳

新書  
乙巳

還京十二月辛

未

新書  
甲戌

贊善大夫杜有鄰著作郎王曾左驍衛兵曹叅

軍柳勣

左司禦率府倉曹參軍王修已右等爲李林甫武衛司戈盧寧左威衛參軍徐徵

所構並下獄死

六載春正月辛巳朔

案是月朔非辛巳朔字衍

北海太守李邕淄川

太守裴敦復並以事連王曾柳勣遣使就殺之丁亥親

享太廟戊子親祀園丘禮畢大赦天下除絞斬刑但決

重杖

大赦流人老者許致仕停立仗鉞賜文武官階爵侍老粟帛民酺三日

於京城置三

皇五帝廟以時享祭其章懷節愍惠莊惠文惠宣等太

子宜與隱太子懿德太子同爲一廟每日立仗食及設

仗於庭此後並宜停廢五嶽旣已封王四瀆當昇公位

封河瀆爲靈源公濟瀆爲清源公江瀆爲廣源公淮瀆

爲長源公三月戊戌南海太守彭果坐贓決杖長流溱

溪郡死於路夏四月戊午門下侍郎陳希烈爲左相兼

兵部尚書

新書在三  
月甲辰

癸酉復置軍器監自五月不雨至

秋七月乙酉以旱命宰相臺寺府縣錄繫囚死罪決杖

配流徒已下特免庚寅始雨冬十月戊申幸溫泉宮改

爲華清宮十一月乙亥

新書  
丁酉

戶部侍郎楊慎矜及兄少

府少監慎餘與弟洛陽令慎名並爲李林甫及御史中

丞王鉷所構下獄死十二月丙辰工部尚書陸景融卒

壬戌

新書  
癸丑

還京

是歲安西副都護高仙芝及小勃律國戰敗之

七載春正月己卯禮部尚書席豫卒己亥韋縉奏御案

褥袂帷等望去紫用赤黃從之三月乙酉大同殿柱產  
玉芝有神光照殿羣臣請加皇帝尊號曰開元天寶聖  
文神武應道許之夏四月辛丑以高力士爲驃騎大將  
軍五月壬午上御興慶宮受冊徽號大赦天下百姓免  
來載租庸三皇以前帝王京城置廟以時致祭其歷代  
帝王肇迹之處未有祠宇者所在各置一廟忠臣義士  
孝婦烈女德行彌高者亦置祠宇致祭以魏周隋爲三  
恪賜京城父老  
物人十段七十以上版授本縣令婦人縣君六十以上  
縣丞天下侍老百歲以上上郡太守婦人郡君九十以  
上上郡司馬婦人縣君八十以上上郡太守婦人郡君九十以  
縣令婦人鄉君賜文武官勲兩轉賜酺三日六月范陽  
節度使安祿山賜實封及鐵券秋八月己亥朔改千秋

節爲天長節壬子改萬年縣爲咸寧縣冬十月庚午幸  
華清宮封貴妃姊二人爲韓國虢國夫人十二月戊戌  
言元元皇帝見於華清宮之朝元閣乃改爲降聖閣改  
會昌縣爲昭應縣會昌山爲昭應山封山神爲元德公  
仍立祠宇辛酉還京

八載春正月甲申賜京官絹備春時遊賞二月戊申引  
百官於左藏庫縱觀錢幣賜絹而歸三月朔方節度使  
張齊邱於東受降城北築橫塞城夏四月咸寧太守趙  
奉璋決杖而死著作郎韋子春貶端溪尉李林甫陷之  
也幸華清宮觀風樓五月辛巳於開遠門外作振旅亭

戊子南海太守劉巨鱗坐賊決死之六月大同殿又產

玉芝一莖

乙卯

隴右節度使哥舒翰攻吐蕃石堡城拔之

閏月乙丑改石堡城爲神武軍劍南索磨川新置都護

府宜以保寧爲名丙寅上親謁太清宮冊聖祖元元皇

帝尊號爲聖祖大道元元皇帝高祖太宗高宗中宗睿

宗五帝皆加大聖皇帝之字太穆文德則天和思昭成

皇后皆加順聖皇后之字羣臣上皇帝尊號爲開元天

寶聖文神武應道皇帝

新書開元天地大寶聖文神武應道皇帝

丁卯上御

含元殿受冊大赦天下

男子七十婦人七十五以上皆給一子侍賜文武官階爵民爲

戶者古爵

自今後每至禋祫並於太清宮聖祖前序昭

醺三日

穆初太白山人李渾言太白山金星洞有帝福壽玉版  
石記求得之乃封太白山爲神應公金星洞爲嘉祥公  
所管華陽縣爲貞符縣戊辰太子太師徐國公蕭嵩薨  
丁亥南衙立仗馬宜停省進馬官秋八月戊子郡別駕  
宜停下郡置長史冬十月丙寅新書幸華清宮是月特  
光率十道兵十一月丁巳幸御史中丞楊釗莊  
以伐雲南

九載春正月庚寅朔與歲次同始受朝於華清宮己亥  
還京庚戌羣臣請封西嶽從之丁巳詔以十一月封華嶽二月壬午

御史中丞宋渾坐贓及姦長流高要郡三月庚戌改甌  
使爲獻納辛亥西嶽廟災時久旱制停封西嶽夏五月



庚寅以旱錄囚徒乙卯安祿山進封東平郡王節度使

封王自此始也秋七月己亥國子監置廣文館徙生徒

為進士業者九月乙卯

新書辛卯案是月無乙卯誤

處士崔昌上五

行應運麻以國家合承周漢請廢周隋不合為二王後

以商周漢為三恪

冬十月庚申幸華清宮

太白山人王元翼言元元皇帝降於寶仙

十一月己丑制自今告獻太清宮及太廟改為朝獻

巡陵為朝拜告宗廟為奏天地享祀文改昭告為昭薦

以告者臨下之義故也辛卯幸楊國忠亭子辛丑立周

武王漢高祖廟於京城司

字疑誤或衍

置官吏十二月乙亥

還京

是歲雲南蠻陷雲南郡都督張虔陀死之

十載春正月乙酉朔壬辰朝獻太清宮癸巳朝饗太廟

甲午有事於南郊合祭天地禮畢大赦天下賜侍老粟帛醕三日

太廟置內官供灑掃諸陵廟下闕已亥改傳國寶爲承

天大寶丁未新書李林甫領安北副大都護朔方節度

使戊申安西四鎮節度使高仙芝執突騎施可汗及石國王庚戌大風陝郡運船失

火燒米船二百餘隻人死者五百計癸丑分遣嗣吳王

祇等十三人祭嶽瀆海鎮二月丁巳安祿山兼雲中太

守河東節度使夏四月壬午劍南節度使鮮于仲通將兵

六萬討雲南與雲南王閣羅鳳戰於瀘川官軍大敗大將

王天運死於瀘水者不可勝數陷雲南都護府五月丁亥改諸

衛幡旗緋色者爲赤黃以符土運秋

七月高仙芝及大食戰於怛邏斯城

敗績八月

范陽節度副大使安祿山及契丹戰於吐護真河敗績

乙卯廣陵郡大風

潮水覆船數千艘丙辰京城武庫災燒器械四十七萬

事是秋霖雨積旬牆屋多壞西京尤甚冬十月辛亥

新書

壬子幸華清宮十一月乙未幸楊國忠宅丙午兵部侍郎

兼御史中丞楊國忠兼領劍南節度使

十一載春正月丁亥還京二月癸酉禁惡錢官出好錢

以易之旣而商旅不便訴於國忠乃止之三月朔方節

度副使奉信王阿布思與安祿山同討契丹布思與祿

山不協乃率其部下叛歸漠地

新書在二月庚午

丙午

新書乙巳○禮

志作閏三月

制今後每月朔望宜令薦食於太廟每室一牙

盤仍五日一開室門灑掃改吏部爲文部兵部爲武部

刑部爲憲部其部內諸司有部字者並改將作大匠少

匠爲大少二監夏四月

丙戌

御史大夫兼京兆尹王鉉賜

死坐弟鐸與兇人邢緯謀逆故也楊國忠兼京兆尹

李林

南罷安北副大都護

五月戊申慶王琮薨贈靖德太子六月

壬午

御史

大夫兼劍南節度使楊國忠敗吐蕃於雲南克故洪城

戊子東京大風拔樹發屋

新書在五

秋八月己丑幸左藏庫賜羣臣帛有差九月

甲寅改諸衛士爲武士冬十月戊寅幸華清宮十一月

乙卯尙書左僕射兼右相晉國公李林甫薨於行在所

庚申御史大夫

表判度支事

兼蜀郡長史

新書劍南節度使

楊國忠

爲右相兼文部尙書十二月甲戌楊國忠奏請兩京選

人銓日便定留放無長名已亥

新書丁亥

還京

十二載春正月壬子楊國忠於尙書省注官注訖於都

堂對左相與諸司長官唱名二月庚辰選人鄭懃等二

十餘人以國忠銓注無滯設齋於勤政殿

疑當作樓

下立碑

於尙書省門癸未追削故右相李林甫在身官爵男將

作監岫宗黨李復道等五十人皆流貶國忠誣奏林甫

陰結叛胡阿布思故也夏五月己酉以魏周隋依舊爲

三恪及二王後復封韓介鄴等公辛亥太廟諸陵署依

舊隸太常寺

六月阿布思部落降

七月壬子天下齊人不得鄉貢

須補國子學生然後貢舉八月京城霖雨米貴令出太

倉米十萬石減價糶與貧人仍令中書門下就京兆大

理疏決囚徒九月己亥朔隴右節度使涼國公哥舒翰

進封西平郡王食實封五百戶

甲寅葛邏祿葉護執阿不思

冬十月

戊寅幸華清宮和雇京城丁戶一萬三千人築興慶宮

牆起樓觀至十二月改橫塞城爲天德軍庚寅行從官

憲部尚書張均等請上尊號爲開元天地大寶聖文神

武孝德證道

新書證道孝德

皇帝

表十二月戊子陳希烈爲祕書省圖書使

十三載春正月丁酉朔上御華清宮之觀風樓受朝賀

已亥安慶緒獻俘於行在

案安祿山傳十三載正月謁於華清宮則是時獻俘者乃

祿山非慶緒也此疑誤

帝引見於禁中賞賜鉅萬乙巳加安祿山

尚書左僕射賜實封千戶奴婢十房莊宅各一區又加

閑廐五坊宮苑隴右羣牧都使以武部侍郎吉溫爲副

丙午還京二月癸酉

新書壬申

上親朝獻太清宮上元元皇

帝尊號曰大聖祖高上大道金闕元元天皇大帝甲戌

新書癸酉

親饗太廟上高祖諡曰神堯大聖大光孝皇帝太

宗諡曰太宗文武大聖大廣孝皇帝高宗諡曰高宗天

皇大聖大宏孝皇帝中宗諡曰中宗大和大聖大昭孝

皇帝睿宗諡曰睿宗元真大聖大興孝皇帝乙亥

新書甲戌

御興慶殿受徽號禮畢大赦天下左降官遭父母憂放

歸獻陵等五署改為臺令丞各升一階文武三品已上

賜爵一級四品已下加一階賜酺三日賜孝義旌表者

歲以上版授本郡太守婦人郡夫人九十以上郡長史

婦人郡君八十以上縣令婦人縣君太守加賜爵一級

縣令勲戊寅新書右相兼文部尚書楊國忠守司空餘

如故甲申新書司空楊國忠受冊天雨黃土霑於朝

服祿山奏前後討契丹立功將士跳盪等請超三資告

身仍望好寫於是超授將軍者五百餘人中郎將者二

千餘人三月丁酉太常卿張垧貶盧溪郡司馬垧兄憲  
部尚書均貶建安太守丙午御躍龍殿門張樂宴羣臣



賜右相絹一千五百疋綵羅三百疋綵綾五百疋左相

絹三百疋綵羅綾各五十疋餘三品八十疋四品五品

六十疋六品七品四十疋極歡而罷隴右節度使哥舒翰敗吐蕃復河源

九曲辛酉大風拔木壬戌新書在五御勤政樓大酺北庭都護程

千里生擒阿布思獻於樓下斬之於朱雀街乙丑左羽

林上將軍封常清權北庭都護伊西節度使萬春公主

出降楊朮夏五月熒惑守心五十餘日六月乙丑朔日

有食之不盡如鉤侍御史劍南留後李宓率兵擊雲南

蠻於西洱河糧盡軍旋馬足陷橋爲閣羅鳳所擒舉軍

皆沒廢濟陽郡以所領五縣隸東平郡秋八月丁亥新書

丙戌以久雨左相許國公陳希烈爲太子太師罷知政事

文部侍郎韋見素爲武部尚書同中書門下平章事

表知

門下省事是秋霖雨積六十餘日京城垣屋頽壞殆盡物價

暴貴人多乏食令出太倉米一百萬石開十場賤糶以

濟貧民東都灕洛暴漲漂沒一十九坊上御勤政樓試

四科制舉人策外加詩賦各一首制舉加詩賦自此始

也冬十月壬寅

新書乙酉案是月無壬寅誤通鑑作閏十一月壬寅案閏十一月亦無壬寅亦

誤幸華清宮貶河東太守韋陟爲桂嶺尉武部侍郎吉

溫爲澧陽郡長史乙巳

案是月無乙巳誤

開府儀同三司畢國

公竇瑰薨十二月戊午還京其載戶部計今年見管州

縣戶口管郡總三百二十一縣一千五百三十八鄉一  
萬六千八百二十九戶九百六十一萬九千二百五十  
四三百八十八萬六千五百四不課五百三十萬一千  
四十四課口五千二百八十八萬四百八十八四千五  
百二十一萬八千四百八十不課七百六十六萬二千  
八百課

十四載春三月丙寅宴羣臣於勤政樓奏九部樂上賦

詩效栢梁體

壬午安祿山及契丹戰於潢水敗之

癸未遣給事中裴士淹

等巡撫河南河北淮南等道

五月天有聲於浙西

秋八月壬辰

新書

辛卯上親錄囚徒

免今歲租庸半賜侍老米

冬十月壬辰

新書庚寅

幸華清

宮甲午頒御注老子并義疏於天下十一月戊午始寧  
太守羅希奭以停止張博濟決杖而死吉溫自縊於獄

丙寅范陽節度使安祿山率蕃漢之兵十餘萬自幽州

南向詣闕以誅楊國忠爲名先殺太原尹楊光翹於博

陵郡王申聞於行在所癸酉以九原郡太守郭子儀爲靈武

太守朔方節度使副大使封常清自安西入奏至行在甲

戌新書王申以常清爲范陽平盧節度使兼御史大夫令募

兵三萬以禦逆胡戊寅新書丙子還京以右羽林大將軍王

承業爲太原尹以衛尉卿張介然爲陳留太守河南節

度採訪使以金吾將軍程千里爲潞州長史並令討賊

甲申新書丁丑以京兆牧榮王琬為元帥命高仙芝副之於

京城召募號曰天武軍其眾十萬十二月丙戌朔高仙

芝等進軍上御勤政樓送之丁亥祿山於靈昌郡渡河

辛卯陷陳留郡執太守郭納殺張介然甲午新書癸巳陷滎陽郡

殺太守崔無詖丙申封常清與賊戰於成臯嬰子谷官

軍敗績常清奔於陝郡丁酉祿山陷東京殺留守李憺

中丞盧弈判官蔣清河南尹達奚珣叛降於安祿山時高仙芝鎮陝郡

棄城西保潼關已亥常山太守顏昇卿與長史袁履謙賈

深等殺賊將李欽湊執賊將何千年高邈送京師克趙鉅鹿

廣平清河河間景城樂安博平博陵上谷文安信都魏鄴十四郡辛丑詔皇太子統兵

東討以永王璘為山南節度使以江陵長史源洧副之

潁王璣為劍南節度使以蜀郡長史崔圓副之二王不

出閣甲辰郭子儀及安祿山將高秀巖戰於河曲敗之丙午新書斬封常清高

仙芝於潼關以哥舒翰為太子先鋒兵馬元帥領河隴

兵募守潼關以拒之辛亥新書榮王琬薨贈靖恭太子

王子濟南郡太守李隨單父尉賈賁濮陽人尚衡以兵討安祿山是月平原太守顏真卿饒陽郡太守盧全誠

司馬李正以兵討安祿山

十五載春正月乙卯御宣政殿受朝其日祿山僭號於

東京東平郡太守嗣吳王祗以兵討安祿山庚申新書

以度勦方軍節度李光弼為雲中太守河東節度使副大王

戊賊將蔡希德陷常山郡執太守顏杲卿長史袁履謙

殺民吏萬餘城中流血昭鄰廣平鉅鹿趙上谷博陵文安魏信都九郡甲子哥

舒翰進位尚書左僕射同中書門下平章事南陽郡太守魯炆為

南陽節度使率嶺南黔中山南東道兵屯於葉縣乙丑賊將安慶緒犯潼關哥

舒翰擊退之己巳加平原太守顏真卿戶部侍郎獎守

城也丁丑真源令張巡以兵討安祿山二月丙戌新書李光弼郭子儀

將兵東出井陘與賊將史思明戰大破之進取郡縣十

餘己亥嗣吳王祗及祿山將謝元同戰於陳留敗丙辰

案是月無丙辰當誅工部新書尚書安思順太僕卿三

月壬午朔案是月非以河東節度使李光弼為御史大

夫范陽節度使乙酉

案是月無乙酉誤

以平原太守顏真卿為

河北採訪使已亥

案是月無已亥誤

改常山郡為平山郡房山

縣為平山縣鹿泉縣為獲鹿縣鹿城縣為束鹿縣

顏真卿克

魏郡史思明寇饒陽平原乙卯張巡及安祿山將令狐潮戰於雍邱敗之乙丑李光弼克趙郡○案舊書二月三月事多與新書不合且千支顛倒疑有錯簡譌字夏四月

乙酉北海郡太守賀蘭進明以兵救平原

丙午以贊善大夫來瑱為潁川太守招討使五月戊午

新書

南陽太守魯炆與賊將武令珣戰於滢水上官軍

大敗為賊所虜進寇我南陽

戊辰

詔嗣虢王巨

為河南節度使

自

藍田出師救南陽六月癸未朔顏真卿破賊將袁知泰

於堂邑北海太守賀蘭進明收信都庚寅

新書

哥舒翰



將兵八萬與賊將崔乾祐戰於靈寶西原官軍大敗死者十六七其日李光弼與賊將史思明戰於常山東嘉山大破之斬獲數萬計辛卯哥舒翰至潼關爲其帳下火拔歸仁以左右數十騎執之降賊關門不守京師大駭河東華陰上洛等郡皆委城而走甲午將謀幸蜀乃下詔親征仗下士庶恐駭奔走於路崔光遠爲西京留守招討處置使乙未凌晨自延秋門出微雨霑溼扈從惟宰相楊國忠韋見素內侍高力士及太子親王妃主皇孫已下多從之不及平明渡便橋國忠欲斷橋上曰後來者何以能濟命緩之辰時至咸陽望賢驛置頓新書丙申官吏駭散無

復儲供上憇於宮門之樹下亭午未進食俄有父老獻

麪上謂之曰如何得飯於是百姓獻食相繼俄又尙食

持御膳至上頒給從官而後食是夕次金城縣官吏已

遁令魏方進男允招誘俄得智藏寺僧進芻粟行從方

給丙申

新書  
丁酉

次馬嵬驛諸衛頓軍不進龍武大將軍陳

元禮奏曰逆胡指闕以誅國忠爲名然中外羣情不無

嫌怨今國步艱阻乘輿震蕩陛下宜徇羣情爲社稷大

計國忠之徒可置之於法會吐蕃使二十一人遮國忠

告訴於驛門衆呼曰楊國忠連蕃人謀逆兵士圍驛四

合乃誅楊國忠

及御史大夫魏方  
進太常卿楊暄

衆方退一族兵猶未

解上令高力士詰之迴奏曰諸將旣誅國忠以貴妃在  
宮人情恐懼上卽命力士賜貴妃自盡元禮等見上請  
罪命釋之丁酉將發馬嵬驛朝臣唯韋見素一人乃命  
見素子京兆府司錄諤爲御史中丞充置頓使議其所  
向軍士或言河隴或言靈武太原或言還京爲便韋諤  
曰還京須有捍賊之備兵馬未集恐非萬全不如且幸  
扶風徐圖所向上詢於衆咸以爲然及行百姓遮路乞  
留皇太子願戮力破賊收復京城因留太子是日張巡  
及安祿山  
將翟伯玉戰於  
白沙竭敗之戊戌次扶風縣已亥次扶風郡軍士各  
懷去就咸出醜言陳元禮不能制會益州貢春綵十萬

正上悉命置於庭召諸將諭之曰卿等國家功臣陳力  
久矣朕之優獎常亦不輕逆胡背恩事須迴避甚知卿  
等不得別父母妻子朕亦不及親辭九廟言發涕流又  
曰朕須幸蜀路險狹人若多往恐難供承今有此綵卿  
等卽宜分取各圖去就朕自有子弟中官相隨便與卿  
等訣別衆咸俯伏涕泣曰死生願從陛下上曰去住任  
卿自此悖亂之言稍息

祿山陷京師

庚子以司勳郎中劍南

節度留後崔圓爲蜀郡長史劍南節度副大使以潁王  
璩爲劍南節度大使以監察御史宋若思爲御史中丞  
充置頓使韋諤充巡閣道使並令先發辛丑發扶風郡

是夕次陳倉

閑廐使任沙門  
叛降於祿山

壬寅次散關分部下爲六

軍潁王璣先行壽王琄等分統六軍前後左右相次丙

午次河池郡崔圓奏劍南歲稔民安儲供無闕上大悅

授圓中書侍郎同中書門下平章事蜀郡長史劍南節

度如故以前華州刺史魏犀爲梁州長史秋七月癸丑

朔壬戌次益昌縣渡吉柏江有雙魚夾舟而躍議者以

爲龍甲子次普安郡憲部侍郎房琯自後至上與語甚

悅卽日拜爲文部尙書同中書門下平章事丁卯詔以

皇太子充天下兵馬元帥都統朔方河東河北平盧等

節度兵馬收復兩京

御史中丞裴冕隴西  
郡司馬劉秩副之

永王璘江陵

府都督統山南東路黔中江南西路等節度大使盛王  
琦廣陵郡大都督統江南東路淮南河南等路節度大  
使豐王珙武威郡都督領河西隴右安西北庭等路節  
度大使初京師陷賊車駕倉黃出幸人未知所向衆心  
震駭及聞是詔遠近相慶咸思效忠於興復庚午次巴  
西郡太守崔渙奉迎卽日以渙爲門下侍郎同中書門  
下平章事以韋見素爲左相庚辰車駕至蜀郡扈從官  
吏軍士到者一千三百人宮女二十四人而已八月癸  
未朔新書御蜀都府衙宣詔曰朕以薄德嗣守神器每  
乾乾惕厲勤念生靈一物失所無忘罪已聿來四紀人

亦小康推心於人不疑於物而姦臣兇豎棄義背恩割

剝黎元擾亂區夏皆朕不明之過也今巡撫巴蜀訓厲

師徒仍令太子諸王蒐兵重鎮誅夷凶醜以謝昊穹思

與羣臣重宏理道可大赦天下

賜文武官階爵爲安祿山脅從能自歸者原之

癸巳靈武使至始知皇太子卽位丁酉上用靈武冊稱

上皇詔稱詰已亥

新書庚子

上皇臨軒冊肅宗命宰臣韋見

素房琯使靈武冊命曰朕稱太上皇軍國大事先取皇

帝處分後奏朕知候克復兩京朕當怡神姑射偃息大

庭

十一月甲寅憲部尚書李麟同中書門下平章事十二月甲辰永王璘反廢爲庶人至德二載正月庚戌

誅求天下孝悌可旌者甲子劍南健兒賈秀反伏誅三月庚午通化郡言元元皇帝降五月庚申詔追冊貴嬪

楊氏爲皇后七月庚戌行營健兒李季反伏誅庚午劍南健兒郭千仞反伏誅明年九月郭子

儀收復兩京十月丁巳肅宗紀癸亥肅宗遣中使啖延瑤入蜀

奉迎詔劍南囚罪流以下原之丁卯上皇發蜀郡十一月丙申次鳳

翔郡肅宗遣精騎三千至扶風迎衛十二月丙午新書丁未

肅宗具法駕至咸陽望賢驛迎奉上皇御宮之南樓肅

宗拜慶樓下嗚咽流涕不自勝爲上皇徒步控轡上皇

撫背止之卽騎馬前導丁未至京師文武百僚京城士

庶夾道歡呼靡不流涕卽日御大明宮之含元殿見百

僚上皇親自撫問人人感咽時太廟爲賊所焚權移神

主於大內長安殿上皇謁廟請罪遂幸興慶宮三載二



月肅宗與羣臣奉上帝尊號曰太上至道聖皇天帝乾元三年七月丁未移幸西內之甘露殿時閹宦李輔國離間肅宗故移居西內高力士陳元禮等遷謫上皇寢不自憚上元二年四月甲寅崩於神龍殿時年七十八羣臣上謚曰至道大聖大明孝皇帝廟號元宗初上皇親拜五陵至橋陵見金粟山崗有龍盤鳳翥之勢復近先塋謂侍臣曰吾千秋後宜葬此地得奉先陵不忘孝敬矣至是追奉先旨以創寢園以廣德元年三月辛酉葬於泰陵

史臣曰孔子稱王者必世而後仁李氏自武后移國三

十餘年朝廷罕有正人附麗無非險輩持苞苴而請謁  
奔走權門效鷹犬以飛馳中傷端士以致斲喪王室屠  
害宗枝骨鯁大臣屢遭誣陷舞文酷吏坐致顯榮禮義  
無復興行刑政壞於犬馬端揆出阿黨之語冕旒有和  
事之名朋比成風廉耻都盡我開元之有天下也糾之  
以典刑明之以禮樂愛之以慈儉律之以軌儀黜前朝  
徼倖之臣杜其姦也焚後庭珠翠之玩戒其奢也禁女  
樂而出宮嬪明其教也賜酺賞而放哇淫懼其荒也叙  
友于而敦骨肉厚其俗也蒐兵而責帥明軍法也朝集  
而計最校吏能也廟堂之上無非經濟之才表著之中

皆得論思之士而又旁求宏碩講道藝文昌言嘉謨日  
聞於獻納長轡遠馭志在於昇平貞觀之風一朝復振  
於斯時也烽燧不驚華戎同軌西蕃君長越繩橋而競  
款玉關北狄酋渠捐毳幕而爭趨雁塞象郡炎州之玩  
雞林鯁海之珍莫不結轍於象胥駢羅於典屬膜拜丹  
墀之下夷歌立仗之前可謂冠帶百蠻車書萬里天子  
乃覽雲臺之義草泥金之札然後封日觀禪雲亭訪道  
於穆清怡神於元牝與民休息比屋可封於時垂髫之  
倪皆知禮讓戴白之老不識兵戈虜不敢乘月犯邊士  
不敢彎弓報怨康哉之頌溢於八紘所謂世而後仁見

於開元者矣年逾三紀可謂太平於戲國無賢臣聖亦難理山有猛虎獸不敢窺得人者昌信不虛語昔齊桓公行同禽獸不失霸主之名梁武帝靜比桑門竟被臺城之酷蓋得管仲則淫不害霸任朱异則善不救亡開元之初賢臣當國四門俱穆百度唯貞而釋老之流頗以無爲請見上乃務清淨事薰修留連軒后之文舞詠伯陽之說雖稍移於勤倦亦未至於怠荒俄而朝野怨咨政刑紕繆何哉用人之失也自天寶已還小人道長如山有朽壤雖大必虧木有蠹蟲其榮易落以百口百心之讒諂蔽兩目兩耳之聰明苟非鐵腸石心安得不

惑而獻可替否靡聞姚宋之言妬賢害功但有甫忠之  
奏豪猾因茲而睥睨明哲於是乎卷懷故祿山之徒得  
行其僞厲階之作匪降自天謀之不臧前功併棄惜哉  
贊曰開元握圖永鑒前車景氣融朗昏氛滌除政纔勤  
倦妖集庭除先民之言靡不有初

新書贊曰嗚呼女子之禍於人者甚矣自高祖至於  
中宗數十年間再罹女禍唐祚旣絕而復續中宗不  
免其身韋氏遂以滅族元宗親平其亂可以鑒矣而  
又敗於女子方其勵精政事開元之際幾致太平何  
其盛也及侈心一動窮天下之欲不足爲其樂而溺  
其所甚愛忘其所可戒至於竄身失國而不恤哉  
始終之異其性習之相遠也至  
於如此可不慎哉可不慎哉

唐書卷第九

唐書卷第十

卷第十

肅宗

肅宗文明武德大聖大宣孝皇帝諱亨元宗第三子母

曰元獻皇后楊氏景雲二年

下關何月

乙亥生初名嗣昇二

歲封陝王五歲拜安西大都護河西四鎮諸蕃落大使

上仁愛英悟得之天然及長聰敏強記屬辭典麗耳目

之所聽覽不復遺忘

元宗尤愛之遣賀知章潘肅呂開向皇甫彬邢璣等侍讀左右

開

元十三年三月封忠王改名浚十五年五月領朔方大

使單于大都護十八年奚契丹犯塞以上爲河北道元

帥信安王禕爲副帥御史大夫李朝隱京兆尹裴奩先

等八人總管兵以討之仍命百僚設次於光順門與上  
相見左丞相張說退謂學士孫逖韋述曰嘗見太宗寫  
真圖忠王英姿穎發儀表非常雅類聖祖此社稷之福  
也二年諸將大破奚契丹以上遙統之功加司徒二十  
三年改名璵二十五年皇太子瑛得罪二十六年六月  
庚子立上爲皇太子有司行冊禮其儀有中嚴外辦其  
服絳紗太子曰此天子禮也乃下  
公卿議太師蕭嵩左丞相裴耀卿請改  
外辦爲外備絳紗衣爲朱明服乃從之改名紹二十八年  
更名  
紹後有言事者云紹與宋太子名同改今名天寶三載  
又更名亨  
初太子瑛得罪上召李林甫議立儲貳時壽王瑁母武  
惠妃方承恩寵林甫希旨以瑁對及立上爲太子林甫

懼不利己乃起韋堅柳勣之獄上幾危者數四後又楊國忠依倚妃家恣爲褻穢懼上英武潛謀不利爲患久之天寶十三載正月安祿山來朝上嘗密奏云祿山有反相元宗不聽十四載十一月祿山果叛稱兵詣闕十二月丁酉陷東京辛丑制太子監國仍遣上親總諸軍進討時祿山以誅楊國忠爲名由是軍民切齒於楊氏國忠懼乃與貴妃謀閒其事上遂不行乃召河西節度使哥舒翰爲皇太子前鋒兵馬元帥令率衆二十萬守潼關明年六月哥舒翰爲賊所敗關門不守國忠諷元宗幸蜀丁酉至馬嵬頓六軍不進請誅楊氏於是誅國



忠賜貴妃自盡車駕將發留上在後宣諭百姓衆泣而言曰逆胡背恩主上播越臣等生於聖代世爲唐民願戮力一心爲國討賊請從太子收復長安元宗聞之曰此天啟也乃令高力士與壽王瑁送太子內人及服御等物留後軍廐馬從上令力士口宣曰汝好去百姓屬望慎勿違之莫以吾爲意且西戎北狄吾嘗厚之今國步艱難必得其用汝其勉之上迴至渭北便橋已斷水暴漲無舟楫上號令水濱百姓歸者三千餘人渭水可涉又遇潼關散卒誤以爲賊與之戰士衆多傷乃收其餘衆比上軍旣濟其後皆溺上喜以爲天之祐時從上

惟廣平建寧二王及四軍將士纔二千人自奉天而北

夕次永壽百姓遮道獻牛酒有白雲起西北長數丈如

樓門之狀議者以爲天子之氣戊戌至新平郡時晝夜

奔馳三百餘里士衆器械亡失過半所存之衆不過一

旅己亥至安定郡新書地理志作保定斬新平太守薛羽保定舊書

地理志作安定太守徐黻以其棄郡也庚子至烏氏驛彭原太

守李遵謁見率兵士奉迎仍進衣服糧糗上至彭原又

募得甲士四百率私馬以助軍辛丑至平涼郡蒐閱監

牧公私馬得數萬疋官軍益振時賊據長安知上治兵

河西三輔百姓皆曰吾太子大軍卽至賊望西北塵起

有時奔走戊申扶風人康景龍殺賊宣慰使薛總等二

百餘人陳倉令薛景仙率眾收扶風郡守之由是關輔

豪右皆謀殺賊賊故不敢侵軼上在平涼數日之間未

知所適會朔方留後杜鴻漸六城水陸運使魏少遊節度判官崔漪

支度判官等遣判官關內鹽池判官李涵奉牋迎上備陳兵馬

招集之勢倉儲庫甲之數上大悅鴻漸又發朔方步騎

數千人於白草頓奉迎時河西行軍司馬裴冕新授御

史大夫赴闕遇上於平涼亦勸上治兵於靈武以圖進

取上然之庚戌上初發平涼有彩雲浮空白鶴前引出軍

之後有黃龍自上所憩屋騰空而去上行至豐寧南見

黃河天塹之固欲整軍北渡以保豐寧忽大風飛沙跬  
步之間不辨人物及迴軍趨靈武風沙頓止天地廓清  
七月辛酉上至靈武時魏少遊預備供張無不畢備壬戌  
裴冕杜鴻漸等從容進曰今寇逆亂常毒流函谷主上  
倦勤大位移幸蜀川江山阻險奏請路絕宗社神器須  
有所歸萬姓顛顛思宗明聖天意人事不可固違伏願  
殿下順其樂推以安社稷王者之大孝也上曰俟平寇  
逆奉迎鑾輿從容儲闈侍膳左右豈不樂哉公等何急  
也冕等凡六上牋辭情激切上不獲已乃從是月甲子  
上卽皇帝位於靈武禮畢冕等跪進曰自逆賊憑陵兩

京失守聖皇傳位陛下再安區宇臣稽首上千萬歲壽  
羣臣舞蹈稱萬歲上流涕歔歔感動左右卽日奏其事  
於上皇是日御靈武南門下制曰朕聞聖人畏天命帝  
者奉天時知皇靈聽命不敢違而去之知麻數所歸不  
獲已而當之在昔帝王靡不由斯而有天下者也乃者  
羯胡亂常京闕失守天未悔禍羣兇尚扇聖皇久厭大  
位思傳眇身軍興之初已有成命予恐不德罔敢祇承  
今羣工卿士僉曰孝莫大於繼德功莫盛於中興朕所  
以治兵朔方將殄寇逆務以大者本其孝乎須安兆庶  
之心敬順羣臣之請乃以七月甲子卽皇帝位於靈武

敬崇徽號上尊聖皇曰上皇天帝所司擇日昭告上帝

朕以薄德謬當重位旣展承天之禮宜覃率土之澤可

大赦天下改元曰至德內外交文武官九品以上加兩階

賜兩轉三品已上賜爵一級

版授侍老  
太守縣令

以朔方度支副

使大理司直杜鴻漸爲兵部郎中朔方節度判官崔漪

爲吏部郎中竝知中書舍人以御史中丞裴冕爲中書

侍郎同中書門下平章事河西兵馬使周泌爲河西節

度使隴右兵馬使彭元暉爲隴右節度使前蒲州刺史

呂崇賁爲關內節度使兼順化郡太守以陳倉縣令薛

景仙爲扶風太守以隴右節度使郭英乂爲天水郡太

守改靈武郡爲大都督府上縣爲望中縣爲上丁卯逆  
胡害霍國長公主永王妃侯莫陳氏義王妃閭氏陳王  
妃韋氏信王妃任氏駙馬楊朮等八十餘人於崇仁之  
街甲戌賊黨同羅部五千餘人自西出降朔方軍

安祿山寇

扶風太守薛景仙敗之

已卯京兆尹崔光遠長安令蘇震等率府

縣官吏大呼於西市殺賊數千級然後來赴行在詔改  
扶風爲鳳翔郡八月壬午朔方節度使郭子儀范陽節  
度使李光弼破賊於常山郡之嘉山上以治兵收京城  
詔子儀等旋師子儀光弼率所統步騎五萬至屯河北  
詔以子儀爲兵部尚書依前靈州大都督府長史光弼

爲戶部尚書兼太原尹北京留守竝同中書門下平章

事迴紇吐蕃遣使繼至請和親願助國討賊皆宴賜遣

之是日上皇至成都大赦

辛卯張巡及安祿山將李廷望戰於雍邱敗之

癸巳

上所奉表始達成都丁酉上皇遜稱誥遣左相韋見素

文部尚書房琯門下侍郎崔渙等奉冊書赴靈武九月

戊辰上南幸彭原郡封故邠王守禮男承宗爲燉煌郡

王令使迴紇和親冊迴紇可汗女爲毘伽公主仍令僕

固懷恩送承宗至迴紇部內官邊令誠背上皇投賊至

是復來見上命斬之丙子至順化郡韋見素房琯崔渙

等自蜀郡齎上冊書及傳國寶等至己卯斬潼關敗將



李承光於纛下十月辛巳朔日有食之既癸未次彭原

郡

詔御史諫官論事勿先白大夫及宰相

以軍興用度不足權賣官爵及

度僧尼上素知房琯名至是琯請為兵馬元帥收復兩

京許之

以琯為招討西京防禦蒲潼兩關兵馬元帥

仍令兵部尚書王思禮

為副分兵為三軍

南軍入於宜壽中軍入於武功北軍入於奉天

楊希文劉貴

哲李光進等各將一軍其眾五萬

辛卯河南節度副使張巡及令狐潮戰於

雍邱敗之

辛丑琯與賊將安守忠戰於陳濤斜官軍敗績楊

希文劉貴哲等降於賊

癸卯琯又以南軍戰敗績

琯亦奔還平原太

守顏真卿以食盡援絕棄城渡河於是河北郡縣盡陷

於賊

是月遣永王璘朝上皇天帝於蜀郡璘反丹徒郡太守閻敬之及璘戰於伊婁埭死之

十一

月辛亥河西地震有聲圯裂廬舍張掖酒泉尤甚戊午

迴紇引軍來赴難與郭子儀同破賊黨同羅部三千餘

衆於河上詔宰相崔渙巡撫江南補授官吏史思明十

二月

安祿山陷魯東平濟陰三郡

戊子以王思禮爲關內節度使彭

原郡百姓給復二載郡同六雄縣昇緊望以秦州都督

郭英乂爲鳳翔太守諫議大夫高適爲廣陵長史淮南

節度兼采訪使賊將阿史那承慶攻陷潁川郡執太守

薛愿長史龐堅甲辰江陵大都督永王璘擅領舟師下

廣陵

是歲吐蕃陷嵩州嶺南溪獠梁崇牽陷容州

二載春正月庚戌朔上在彭原受朝賀是日通表入蜀

賀上皇上皇在蜀每得上表疏訊其使者知上涕戀晨  
省乃下誥曰至和育物大孝安親古之哲王必由斯道  
朕往在春宮嘗事先后問安靡闕視膳無違及同氣天  
倫聯華棣萼居嘗共被食必分甘今皇帝奉而行之未  
嘗失墜每有銜命而來戒塗將發必肅恭拜跪涕泗漣  
漣左右侍臣罔不感動聞者抱戴句有闕文赤雀白狼之瑞  
接武荐臻此皆皇帝聖敬之符孝友之感也故能誕敷  
德教橫於四海信可以光宅寰宇永綏黎元者哉其天  
下有至孝友悌行著鄉閭堪旌表者郡縣長官采聽聞  
奏庶孝子順孫沐於元化也甲寅以襄陽太守李恒爲

蜀郡長史劍南節度使將作少監魏仲犀爲襄陽山南道節度使永王傅劉彙爲丹陽太守兼防禦使以憲部

尚書李麟同中書門下平章事

新書在元宗紀屬至德元載十一月甲寅爲元

宗在蜀所命案本傳亦作至德二載正月元宗所命其拜之時日當從舊書但上文不書上皇似是肅宗所命又當從新書書上皇遣平章事崔圓奉詔赴彭原

永王璘陷

鄱陽郡

乙卯逆胡安祿山爲其子慶緒所殺辛酉於江寧

縣置金陵郡仍置軍分人以鎮之甲子幸保定郡丙寅

武威郡九姓商胡安門物

河西兵馬使孟庭倫

等叛殺節度使周

泌判官崔偁率衆討平之是日蜀郡健兒賈秀等五千

人謀逆上皇御蜀郡南樓將軍席元慶等討平之

乙亥安慶

緒將尹子奇寇睢陽郡張巡敗之

二月戊子幸鳳翔郡文城太守武威

郡九姓齊莊破賊五千餘眾上議大舉收復兩京盡括

公私馬以助軍給事中李廙署云無馬大夫崔光遠劾

之貶廙江華太守

李光弼及安慶緒之眾戰於太原敗之丁酉關西節度兵馬使郭英乂及

安慶緒戰於武功敗績慶緒陷馮翊郡太守蕭寶死之慶緒將蔡希德寇太原節度使李光弼

大破賊將蔡希德之眾於城下斬虜七萬軍資器仗稱

是

戊戌

永王璘兵敗奔於嶺外至大庾嶺爲洪州刺史皇

甫僬所殺

庚子

朔方節度使郭子儀大破賊將崔乾祐於

潼關收河東郡

王寅河西判官崔偁克武威郡孟庭倫伏誅甲辰郭子儀及安慶緒戰於永豐

倉敗之大將李韶光王祚死之

三月辛酉以左相韋見素平章事裴冕

爲左右僕射並罷知政事以前憲部尚書致仕苗晉卿

爲左相吐蕃遣使和親遣給事中南巨川報命癸亥河

西自去冬地震至是方止是日大雨至癸酉不止詔疏

理刑獄甲戌方止夏四月戊寅朔以郭子儀爲司空兼

副元帥統諸節度李光弼爲司徒

壬午癸酉陣亡者

乙酉

新書天文志壬

寅太史奏歲星太白熒惑集於東井

庚寅郭子儀及安慶緒將李歸仁戰

於劉遵橋敗之

五月癸丑郭子儀與賊將安守忠戰於清渠官

軍敗績子儀退保武功丁巳房琯爲太子少師罷知政

事以諫議大夫張鎰爲中書侍郎同中書門下平章事

以武部侍郎杜鴻漸爲河西節度使庚申詔追贈故妃

楊氏爲元獻皇太

字疑衍

后上母也甲子郭子儀以失律

讓司空許之

六月癸未尹子奇寇睢陽丁酉南充郡民何滔執其太守楊齊曾以反劍南節度使

盧光裕敗之

秋七月

己酉太白經天

庚戌夜蜀郡軍人郭千仞謀逆

上皇御元英樓節度使李岍討平之丁巳賊將安武臣

陷陝郡民無遺類八月

丁丑焚長春宮

甲申以黃門侍郎崔渙

爲

表左散騎常侍

餘杭太守江東採訪防禦使己丑

新書同甲申

以

平章事張鎰兼河南節度採訪處置等使

都統淮南諸軍事

靈

昌太守許叔冀爲賊所攻援兵不至拔衆投睢陽郡癸

巳大閱諸軍上御城樓以觀之丁酉改雍縣爲鳳翔縣

陳倉爲寶雞縣閏月

甲寅安慶緒寇好時渭北節度使李光進敗之

辛未賊將

遽寇鳳翔崔光遠行軍司馬王伯倫判官李椿率眾捍  
賊賊退乘勝至中渭橋殺賊守橋眾千人追擊入苑中  
時賊大軍屯武功聞之燒營而去伯倫與賊血戰而死  
李椿力窮被執然自是賊不敢西侵九月丁丑上黨節  
度使程千里與賊挑戰爲賊將蔡希德所擒燉煌王承  
寀自迴紇使還拜宗正卿納迴紇公主爲妃迴紇封爲  
葉護持四節與迴紇葉護太子率兵四千助國討賊葉  
護入見宴賜加等丁亥元帥廣平王統朔方安西迴紇  
南蠻大食之眾二十萬東向討賊新書在閏月丁卯壬寅與賊  
將安守忠李歸仁等戰於香積寺西北賊軍大敗斬首



六萬級賊帥張通儒棄京城東走癸卯廣平王收西京

安慶緒奔於陝郡

甲辰捷書至行在百僚稱賀即日告捷於蜀

上皇遣裴冕入京啟告郊廟社稷冬十月乙巳朔以崔

光遠爲京兆尹詔曰緣京城初收要安百姓又洒掃宮

闕奉迎上皇以今月十九日還京應緣供頓務從減省

壬子復東京慶緒奔於河北興平軍兵馬使李奐及慶緒之眾戰於武關敗之克上洛郡吐蕃寇陷

西平郡癸丑賊將尹子奇陷睢陽害張巡鄆州刺史姚閆太守

許遠

左金吾衛將軍南霽雲

賊自香積之敗悉眾保陝郡廣平王

統郭子儀等進攻與賊戰於陝西之新店賊眾大敗斬

首十萬級橫屍三十里

新書在戊申

庚申安慶緒與其黨奔

河北

新書在王子

壬戌廣平王入東京陳兵天津橋南士庶

歡呼路側陷賊官僞署侍中陳希烈中書令張垚等三

百餘人素服待罪癸亥上自鳳翔還京仍遣太子太師

韋見素入蜀迎上皇鳳翔郡給復五載

版授父老官

丙寅至

望賢宮得東京捷書至上大喜丁卯入長安士庶涕泣

拜忭曰不圖復見吾君上亦爲之感惻九廟爲賊所焚

上素服哭於廟三日入居大明宮是日上皇發蜀郡已

巳文武脅從官免冠徒跣朝堂待罪禁之府獄命中丞

崔器劾之

關內節度使王思禮及安慶緒戰於絳郡敗之

迴紇葉護自東京還

宴之於宣政殿便辭還蕃乃封葉護爲忠義王約每年

送絹二萬疋至朔方王便交授十一月壬申朔

案是月無壬申

誤

上御丹鳳樓下制曰我國家出震乘乾立極開統謳

歌厯數啟聖千齡文物聲名握圖六葉安祿山夷羯賤  
類粗立邊功遂肆兇殘變起倉卒而毒流四海塗炭萬  
靈朕興言痛憤提戈問罪靈武聚一旅之衆至鳳翔合  
百萬之師親總元戎掃清羣孽廣平王俶受委元帥能  
振天聲郭子儀決勝無前克成大業兼迴紇葉護雲南  
子弟諸蕃兵馬力戰平兇勢若摧枯易同破竹朕早承  
聖訓嘗讀禮經義切奉先恐不克荷今復宗廟於函洛  
迎上皇於巴蜀導鑾輿而反正朝寢門而問安寰宇載

寧朕願畢矣且復人將有主敬當天地之心興豈在予  
實馮社稷之祐今兩京無虞三靈通慶可以昭事宜在  
覃恩待上皇到日當取處分是時河南河東諸郡縣皆  
平

丙子張鎬率四鎮伊西北庭行營兵馬使李嗣業陝西節度使來瑱河南都知兵馬使嗣吳王祗克河南

郡

官省門帶安字者改之偽御史大夫嚴莊來降

庚子新

成九廟神主上親告享十二月丙午上皇至自蜀上至  
望賢宮奉迎上皇御宮南樓上望樓辟易下馬趨進樓  
前再拜蹈舞稱慶上皇下樓上匍匐捧上皇足涕泗鳴  
咽不能自勝遂扶持上皇御殿親自進食自御馬以進  
上皇上馬又躬攬轡而行止之後退上皇曰吾享國長

久吾不知貴見吾子爲天子吾知貴矣上乘馬前導自  
開遠門至丹鳳門旂幟燭天綵棚夾道士庶舞忭路側  
皆曰不圖今日再見二聖百僚班於含元殿庭上皇御  
殿左相苗晉卿率百辟稱賀人人無不感咽禮畢上皇  
詣長樂殿謁九廟神主卽日幸興慶宮上請歸東宮上  
皇遣高力士再三慰譬而止受賊僞署左相陳希烈達  
奚珣等二百餘人竝禁於楊國忠宅鞠問甲寅以左相  
苗晉卿爲中書侍郎同中書門下平章事戊午上御丹  
鳳門下制大赦蜀郡靈武元從功臣太子太師幽國公  
韋見素內侍齊國公高力士右龍武大將軍陳元禮各

加實封三百戶田長文張崇俊杜休祥各加二百戶右

僕射裴冕冀國公殿中監李輔國邠國公宗正卿李遵

鄭國公兼進封邑廣平王俶

表爲太尉

封楚王加實封二千

戶左僕射朔方節度使郭子儀加司徒進封代國公實

封一千戶兵馬使僕固懷恩封豐國公右金吾將軍李

嗣業封虢國公司徒兼太原尹李光弼

表

守薊國公關

內節度使王思禮霍國公淮南節度使來瑱潁國公南

陽太守魯炆岐國公仍竝加實封京兆尹崔光遠鄴國

公開府李光進范陽郡公左相苗晉卿爲

表

侍中封韓

國公憲部尚書平章事李麟

同中書門下三品

褒國公中書侍

郎崔圓爲中書令趙國公中書侍郎張鎬南陽縣公近  
日所改百司額及郡名官名一依故事改蜀郡爲南京  
鳳翔府爲西京西京改爲中京蜀郡改爲成都府鳳翔  
府官僚竝同三京名號其李愷盧奕顏杲卿袁履謙許  
遠張巡張介然蔣清龐堅等卽與追贈訪其子孫厚其

官爵文武三品已上賜爵一級四品已下加一階

官三

品以上予一子官四品以下一子出身瘞陣亡者致祭  
之給復其家二載免天下租庸來歲三之一禁珠玉寶  
鈿平脫金泥刺繡給復潞州五載并鄧許滑宋五州雍  
邱好時奉先縣二載益州三載賜文武官階勳爵父老  
八十以上版授加緋衣銀魚賜酺五日進封南陽王係爲趙王新城

王僅爲彭王潁川王憫爲兖王第七男東陽王佺爲涇

王第九男橫封襄王第十男侶諸王傳侶封興王僖封

第十一男倓諸王傳倓封杞王第十二男侗諸王傳侗

封定王甲子上皇御宣政殿授上傳國璽上於殿下涕

泣而受之乙丑賊將僞范陽節度使史思明以其兵衆

八萬之籍與僞河東節度使高秀巖竝表送降庚午制

人臣之節有死無二爲國之體叛而必誅況乎委質賊

庭宴安逆命耽受寵祿淹延歲時不顧恩義助其效用

此其可宥法將何施達奚珣等或受任台輔位極人臣

或累葉寵榮姻聯戚里或歷踐臺閣或職通中外夫以

犬馬微賤之畜猶知戀主龜蛇蠢動之類皆能報恩豈



曰人臣曾無感激自逆胡作亂傾覆邦家凡在黎元皆含怨憤殺身徇國者不可勝數此等黔首猶不背國恩受任於梟獍之閒咨謀於豺虺之輩靜言此情何可放宥達奚珣等一十八人竝宜處斬陳希烈等七人竝賜自盡前大理卿張均特宜免死配流合浦郡是日<sub>壬申</sub>斬達奚珣等於子城西南隅獨柳樹仍集百僚往觀之

三載

<sub>乾元元年</sub>

春正月甲戌朔戊寅上皇御宣政殿冊皇帝

尊號曰光天文武大聖孝感皇帝上以徽號中有大聖二字上表固讓不允乙酉敕因亂所失庫物先差使搜檢如聞下吏因便擾人其搜檢使一切竝停務令安輯

內出宮女三千人庚寅大閱諸軍於含元殿庭上御棲  
鸞閣觀之庚子冊良娣張氏爲淑妃二月癸卯朔賊將  
僞淄青節度使能元皓以其地請降用爲河北招討使  
并其子昱竝授官爵乙巳上詣興慶宮奉冊上皇徽號  
曰太上至道聖皇天帝丁未御明鳳門大赦天下改至  
德三載爲乾元元年成都靈武扈從功臣三品已上與  
一子官五品已上與一子出身六品已下量與改轉死  
王事陷賊不受僞命而死者竝與追贈陷賊官先推鞫  
者例減罪一等

免陷賊州  
三歲稅

今後醫卜入仕者同明法例

處分三月癸酉朔甲戌元帥楚王俶改封成王乙亥山

南東道河南淮南江南皆置節度使辛卯以歲飢禁酤酒麥依常式太史監爲司天臺取承寧坊張守珪宅置仍補官員六十人夏四月癸卯以太子少師嗣虢王巨爲東京畱守河南尹充京畿採訪處置使己酉冊淑妃

張氏爲皇后

新書在三  
月戊寅

辛亥九廟成備法駕自長安殿

迎九廟神主入新廟甲寅上親享九廟遂有事於圓丘

卽日還宮翼日御明鳳門大赦天下

賜文武官階勳爵  
天下非租庸母輒

役使有能賑貧窮寵以官爵京官九  
品以上言事二王三恪予一子官

戊辰上進鍊石英

金龜於興慶宮

史思明殺范陽節度  
副使烏承恩以反

五月壬申朔迴紇

黑衣大食各遣使朝貢至閤門爭長詔其使各從左右

門入壬午詔近緣狂寇亂常諸道分置節度蓋總管內  
徵發文牒往來仍加采訪轉滋煩擾其諸道先置采訪  
黜陟二使宜停癸未夜月掩心前星戊子以河南節度  
使中書侍郎同中書門下平章事張鎰爲荊州大都督  
府長史本州防禦使以禮部尚書崔光遠爲河南節度  
使庚寅立成王俶爲皇太子大赦賜文武官階爵五品  
以上爲父後者勳兩轉舉  
忠正孝友堪東宮官  
者新書在十月甲辰以荊州長史季廣琛赴河南行營  
會計討賊於河北乙未中書令崔圓爲太子少師刑部  
尚書同中書門下平章事李麟爲太子少傅並罷知政  
事以太常少卿知禮儀事王璵爲中書侍郎同中書門

下平章事丙申燉煌王承寀薨六月辛丑朔吐火羅康國遣使朝貢己酉初置太一神壇於圓丘東是日命宰相王璵攝行祠事癸丑夜月入南斗魁戊午諸三司所推劾受賊僞官等恩澤頻加科條遞減原其事狀稍近平人所推問者竝宜釋放秋七月辛未朔吐火羅葉護烏利多并九國首領來朝助國討賊上令赴朔方行營丙戌初鑄新錢文曰乾元重寶用一當十與開元通寶同行用丁亥制皇第二女寧國公主出降迴紇英武威遠毘伽可汗八月壬寅以青徐等五州節度使季廣琛兼許州刺史河南節度使崔光遠兼汴州刺史以青州

刺史許叔冀兼滑州刺史充青滑六州節度使甲辰上

皇誕節上皇宴百官於金明門樓朔方節度使郭子儀

河東節度使李光弼關內節度使王思禮來朝加子儀

中書令光弼侍中思禮兵部尚書餘如故九月庚午朔

右羽林大將軍趙泚爲蒲州刺史蒲同號三州節度使

貝州刺史能元皓爲齊州刺史濟兗鄆等州防禦使

招討党項使王仲舒殺拓跋戎德庚寅大舉討安慶緒於相州命朔方

節度使郭子儀河東節度使李光弼關內潞州節度使

王思禮淮西襄陽節度使魯炅興平節度使李奐滑濮

節度使許叔冀平盧兵馬使董秦北庭行營節度使李

嗣業鄭蔡節度使季廣琛等九節度之師步騎二十萬以開府魚朝恩爲觀軍容使癸巳廣州奏大食國波斯國兵衆攻城刺史韋利見棄城而遁冬十月乙未以鳳翔尹李齊物爲刑部尚書以濮州刺史張方須爲廣州都督五府節度使郭子儀奏破賊十萬於衛州獲安慶緒弟慶和進收衛州甲寅上皇幸華清宮上送於灞上許叔冀奏衛州婦人侯四娘滑州婦人唐四娘關文州婦人王二娘相與歃血請赴行營討賊皆補果毅十一月壬申王思禮破賊二萬於相州丁丑郭子儀收魏州得僞署刺史蕭華於州獄詔復以華爲刺史是日上皇至

自華清宮上迎於灊上上自控上皇馬轡百餘步詰止  
之乃已十二月癸卯以河南節度使崔光遠爲魏州刺  
史遣蕭華赴相州行營甲辰以昇州刺史韋黃裳爲蘇  
州刺史浙西節度使庚戌以戶部尚書李峘充淮南浙  
東觀察處置節度使都統淮南江東江西節度使丙寅立春上御宣  
政殿讀時令常參官五品已上升殿序坐而聽之時王  
師圍相州慶緒食盡求救於史思明率衆來援丁卯思  
明復陷魏州刺史崔光遠出奔

二年春正月己巳朔上御含元殿受尊號曰乾元大聖

光天文武孝感皇帝

郭子儀及安慶緒戰於愁思岡敗之

是日史思明自



稱燕王於魏州僭立年號丁丑上親祀九宮貴神齋宿  
於壇所戊寅有事於籍田上行九推禮官奏太過上曰  
朕勸農率下所恨不終千畝耳癸未夜月掩歲星乙丑  
以御史中丞崔寓都統浙江淮南節度處置使丙申開  
府儀同三司衛尉卿懷州北庭行營節度使號國公李  
嗣業卒於相州行營庚子以太子少師崔圓充東京畱  
守判尚書省事二月壬子望月食旣百官請加皇后張  
氏尊號曰翊聖上以月食陰德不修而止貶東京畱守  
嗣號王巨爲陝州刺史苛政也丙辰月犯心大星壬戌  
遣侍中苗晉卿王與分錄囚徒三月丁卯朔己巳皇后

祀先蠶於苑中壬申相州行營郭子儀等與賊史思明

戰王師不利九節度兵潰

史思明殺安慶緒東京留守崔圓河南尹蘇震汝州刺史

賈至奔於襄鄧

子儀斷河陽橋以餘衆保東京

丁亥以旱降死罪流以下原之

流民還者給復三年

辛卯以衛尉卿荔非元禮爲懷州刺史權鎮

西北庭行營節度使以滑州刺史許叔冀充滑汴曹宋

等州節度使以鄆州刺史尚衡爲徐州刺史充亳潁等

州節度使甲午以兵部侍郎呂諲同中書門下平章事

表判度支以太子賓客薛景仙爲鳳翔尹本府防禦使乙未

侍中苗晉卿爲太子太傅平章事王璵爲刑部尚書竝

罷知政事以

表御史大夫

京兆尹李峴爲吏部尚書禮部侍

郎

新書中書舍人

李揆爲中書侍郎與戶部侍郎第五琦並同

中書門下平章事丙申以郭子儀爲東畿山南東道河

南等道節度防禦兵馬元帥權東京畱守判尚書省事

以河西節度副使來瑱爲陝州刺史充號華節度潼關

防禦團練等使夏四月丁酉朔

庚子

王思禮奏於潞城縣

東直千嶺破賊萬人壬寅詔以寇孽未平務懷撝挹自

今以後朕常膳及服御等物並從節減諸作坊造坊並

停比緣軍國務殷或宣口敕處分今後非正宣並不得

行用中外諸務各歸有司英武軍及六軍諸使比因論

竟便行追攝今後須經臺府如處斷不平具狀聞奏自

文武五品已上正官各舉賢良方正直言極諫一人任  
自封進兩省官十日一上封事御史臺欲彈事不須進  
狀仍服豸冠殘妖未殄國步猶難共體至公以康庶政  
朕推誠御物與衆共之思與蒼生臻夫至道宣示中外  
知朕意焉甲辰以鄧州刺史魯炁爲鄭州刺史充陳鄭  
潁毫節度使以徐州刺史尚衡爲青州刺史充青淄密  
登萊沂海等州節度使以商州刺史興平節度使李奐  
兼豫許汝等州節度使乙巳第五琦依舊判度支租庸  
等使史思明僭號於魏州貶季廣琛宣州刺史崔光遠  
爲太子少保癸亥以久旱徙市雩祈雨五月辛巳貶宰

相李峴蜀州刺史丁亥上御宣政殿試文經邦國等四  
科舉人以汝州刺史劉展爲滑州刺史以平盧軍節度  
都知兵馬使董秦爲濮州刺史六月乙未朔以右僕射  
裴冕爲御史大夫成都尹持節充劍南節度副大使本  
道觀察使以邠州刺史房琯爲太子賓客以饒州刺史  
顏真卿爲昇州刺史充浙江西道節度使己巳以明州  
刺史呂延之爲越州刺史充浙江東道節度使以右羽  
林大將軍彭元曜爲鄭州刺史充陳鄭申光壽等州節  
度使秋七月乙丑朔以禮部尚書韋陟充東京畱守太  
子少傅充國公李麟卒辛巳制以趙王係爲天下兵馬

元帥司空兼侍中李光弼爲副丁亥以兵部尚書潞州  
大都督府長史潞沁節度使霍國公王思禮兼太原尹  
充北京畱守河東節度副大使刑部尚書王璵爲蒲州  
刺史充蒲同絳三州節度使辛卯呂誼罷八月乙亥襄州偏  
將康楚元張嘉延逐刺史王政據城自守丙辰寧國公主

自迴紇還宮副元帥李光弼兼幽州大都督府長史河  
北節度等使九月甲午襄州賊張嘉延襲破荊州禮朗  
復郢硤歸等州官吏皆棄城奔竄戊辰新鑄大錢文如  
乾元重寶而重其輪用一當五十以二十二斤成貫丁  
亥以太子少保崔光遠充荆襄等州招討使右羽林大

將軍王仲昇充申安沔等州節度使右羽林將軍李抱  
玉爲鄭州刺史鄭陳潁亳四州節度使庚寅逆胡史思  
明陷洛陽副元帥李光弼守河陽汝鄭滑等州陷賊冬  
十月丁酉制親征史思明竟不行乙巳李光弼奏破賊  
於城下壬戌宰相呂諲起復依前平章事十一月甲子  
朔商州刺史韋倫破康楚元荆襄平庚午戶部侍郎同  
平章事第五琦貶忠州長史新書御史大夫賀蘭進明  
貶溱州司馬十二月癸巳朔神策將軍衛伯玉破賊於  
陝東疆子坂表甲午呂諲充勾當度支使丙午呂  
甲寅諲爲黃門侍郎○乙巳康楚元伏誅  
以御史大夫呂翺爲襄州刺史充山南東道節度觀察

處置等使

三年

上元元年

春正月癸亥朔辛巳李光弼進位太尉兼中

書令餘如故以杭州刺史侯令儀爲昇州刺史充浙江  
西道節度兼江寧軍使戊子以朔方節度使郭子儀兼  
邠寧鄜坊兩道節度使二月癸巳朔以右丞崔寓爲蒲  
州刺史充蒲同晉絳等州節度使庚戌第五琦除名長  
流夷州癸丑以太子少保崔光遠爲鳳翔尹秦隴節度  
使三月壬申以京兆尹李若幽爲成都尹劍南節度使  
丙子降死罪甲申以蒲州爲河中府其州縣官吏所置  
流以下原之同京兆河南二府夏四月甲午李光弼奏破賊於懷州



河陽甲辰以禮部尚書東京畱守韋陟爲吏部尚書太子賓客房瑄爲禮部尚書以太子賓客平章事張鎬爲左散騎常侍太子賓客崔渙爲大理卿是歲饑米斗至一千五百文戊申襄州軍亂殺節度使史勣部將張維瑾據州叛丁巳夜彗出東方在婁胃間長四尺許戊午以右丞蕭華爲河中尹兼御史中丞充同晉絳等州節度觀察處置使己未以陝州刺史來瑱爲襄州刺史充山南東道襄鄧等十州節度觀察處置等使庚申以右羽林大將軍郭英乂爲陝州刺史陝西節度潼關防禦等使閏月辛酉朔彗出西方其長數丈壬戌以禮部尚

書房瑄爲晉州刺史甲子制彭王僅充河西節度大使

兖王侔北庭節度大使涇王佹隴右節度大使杞王僅

陝西節度大使興王侶鳳翔節度大使蜀王傀案肅宗諸子無

名傀封蜀王者疑屬召王傀之誤邠寧節度大使竝不出閣丁卯太原

尹王思禮進位司空甲戌天下兵馬元帥趙王係改封

越王已卯以星文變異上御明鳳門大赦天下改乾元

爲上元賜文武官爵追封周太公望爲武成王依文宣王例

置廟復死刑三覆奏時大霧自四月雨至閏月末不止米價翔

貴人相食餓死者委骸於路張維瑾降壬午以刑部尚書王

璵爲太常卿右散騎常侍韓擇木爲禮部尚書五月庚

寅朔丙午以太子太傅韓國公苗晉卿爲侍中王子黃

門侍郎同中書門下三品

當作平章事

呂誼爲太子賓客罷

知政事癸丑以河南尹劉晏爲戶部侍郎勾當度支鑄

錢鹽鐵等使是夜月掩昴六月乙丑詔先鑄重輪錢一

當五十宜減當三十開元宜一當十

鳳翔節度使崔光遠及羌暉党項戰

於淫隴敗之乙酉又敗之於普潤李光弼及史思明戰於懷州敗之

秋七月己丑朔丁未

上皇自興慶宮移居西內丙辰開府高力士配流巫州

內侍王承恩流播州魏悅流溱州左龍武大將軍陳元

禮致仕丙辰御史大夫崔器卒八月辛未吏部尚書韋

陟卒丁丑以太子賓客呂誼爲荊州大都督府長史禮

朗瑛忠五州節度觀察處置等使己卯以將作監王昂  
爲河中尹本府晉絳等州節度使丁亥贈故興王侶爲  
恭懿太子九月甲午以荊州爲南都州曰江陵府官吏

制置同京兆其蜀郡先爲南京宜復爲蜀郡冬十月壬

申以廬州刺史趙良弼爲越州刺史充浙江東道節度

使青州刺史殷仲卿爲淄州刺史淄沂滄德棣等州節

度使

案方鎮表淄沂節度使在上元二年置

甲申以兵部侍郎尚衡爲青

州刺史青登等州節度使十一月乙巳李光弼奏收懷

州宋州刺史劉展赴鎮揚州揚州長史鄧景山以兵拒

之爲展所敗展進陷揚潤昇等州

甲午揚州長史劉展反陷潤州丙申陷昇

州王李岷淮南節度使鄧景山及劉展戰於淮上敗績十二月庚辰以右羽林大

將軍李鼎爲鳳翔尹興鳳隴等州節度使癸未夜歲星

掩房

是歲吐蕃陷廓州西原蠻寇邊桂州經略使邢濟敗之

二年春正月丁亥朔辛卯溫州刺史季廣琛爲宣州刺史充浙江西道節度使甲午上不康皇后張氏刺血寫佛經甲寅詔府縣御史臺大理疏理繫囚死罪降從流流已下竝釋放乙卯平盧軍兵馬使田神功生擒劉展揚潤平二月己未党項寇寶雞入散關陷鳳州殺刺史蕭悺鳳翔尹李鼎邀擊之癸亥以鳳翔尹崔光遠爲成都尹劍南節度度支營田觀察處置等使以太子詹事

趙國公崔圓爲揚州大都督府長史淮南節度觀察等

使辛未夜月有食之旣戊寅李光弼率河陽之軍五萬

與史思明之衆戰於北邙官軍敗績光弼僕固懷恩走

保聞喜魚朝恩衛伯玉走保陝州河陽懷州共陷賊京

師戒嚴癸未中書侍郎同中書門下三品當作平章事李揆

貶袁州長史以前河中尹新書節度使蕭華爲中書侍郎同

中書門下平章事集賢殿崇文館大學士兼修國史西

來瑱及史思明戰於魯山敗之三月甲午史朝義率衆夜襲我陝州衛

伯玉逆擊敗之戊戌史思明爲其子朝義所殺李光弼

以失律讓太尉中書令許之授侍中河中尹晉絳等州

節度觀察使夏四月乙卯朔嗣岐王珍得罪廢爲庶人  
於漆州安置連坐寶如玢崔昌處斬駙馬都尉楊洄薛  
履謙賜自盡左散騎常侍張鎬貶辰州司戶長任己未  
以吏部侍郎裴遵慶爲黃門侍郎同中書門下平章事  
乙酉青州刺史尚衡丁丑兗州刺史能元皓竝奏破賊壬午  
梓州刺史段子璋陷叛州襲破遂州殺刺史嗣虢王巨  
東川節度使李奐戰敗奔成都五月甲午思明僞將滑  
州刺史令狐彰以滑州歸朝授彰御史中丞依前滑州  
刺史滑魏德貝相六州節度使乙未劍南節度使崔光  
遠率師與李奐擊敗段子璋於緜州擒子璋殺之緜州

平

戊戌平盧軍節度使侯希逸及史朝義戰於幽州敗之

庚子李光弼來朝進位

太尉兼侍中充河南副元帥都統河南淮南山南東道

五道行營節度使鎮臨淮北京畱守守司空太原尹河

東節度副大使霍國公王思禮卒辛丑以鴻臚卿趙國

公管崇嗣爲太原尹兼御史大夫充北京畱守河東節

度副大使壬子太子少傅宗正卿李齊物卒六月癸丑

朔己卯以鳳翔尹李鼎爲鄆州刺史隴右節度營田等

使秋七月癸未朔日有食之旣大星皆見甲辰延英殿

御座梁上生玉芝一莖三花上製玉靈芝詩八月癸丑

朔以中官李輔國守兵部尚書於尚書省上命宰臣百



官送之酣宴竟日自七月霖雨至是方止牆宇多壞漉  
魚道中辛巳以殿中監李若幽爲戶部尚書充朔方鎮  
西北庭陳鄭等州節度使鎮絳州賜名國貞九月壬午  
朔壬辰以太子賓客集賢殿學士昌黎伯韓擇木爲禮  
部尚書壬寅制朕獲守丕業敢忘謙沖欲垂範而自我  
亦去華而就實其乾元大聖光天文武孝感等尊崇之  
稱何德以當之欽若昊天定時成歲春秋五始義在體  
元惟以紀年更無潤色至於漢武飾以浮華非前王之  
茂典豈永代而作則自今已後朕號惟稱皇帝其年號  
但稱元年去上元之號其以今

下闕文○壬寅大赦去  
乾元大聖光天文武孝

感號去上元號稱元年以十一月為歲首月以斗所建  
辰為名賜文武官階勳爵版授侍老官先授者敘進之  
停四京號號元年建子月癸巳曹州刺史常休明及史朝  
義將薛崇戰敗之已亥朝聖皇天帝於西內丙午衛伯  
王及史朝義戰於永寧敗之已酉朝獻於太清宮庚戌  
朝享於太廟及元獻皇后廟建丑月辛亥有事於南郊  
已未來瑱及史朝義戰於汝州敗之乙亥

侯希逸及朝義將李懷仙戰於范陽敗之

寶應元年建寅月甲申追冊靖德太子琮為皇帝妃寶

氏為皇后乙酉葬王公妃主遇害者丙戌盜發敬陵惠

陵甲辰李光弼克許州吐蕃請和戊申史朝義陷營州

建卯月辛亥大赦賜文武官階爵五品以上清望及郎

官御史薦流人有行業情可矜者停貢鴈鷄狗豹以京

兆府為上都河南府為東都鳳翔府為西都江陵府為

南都太原府為北都王子美渾奴刺寇梁州癸丑河東

軍亂殺其節度使鄧景山都知兵馬使辛雲京自稱節

度使乙丑河中軍亂殺李國貞及其節度使荔非元禮

戊辰淮西節度使王仲昇及史朝義將謝欽讓戰於申

州敗  
庚午郭子儀知朔方河中北庭潞儀澤沁等州行

營本管節度觀察等使興平定國軍兵馬副元帥移鎮

絳州王申嗣寧王棣薨

鄜州刺史成公意及党項戰敗之

癸酉河南副

元帥李光弼破賊於許州城下收復許州建辰月庚辰

朔壬午詔天下見禁繫囚無輕重一切釋放

官吏聽納贖免罪左

降官及流人罰

鎮效力者還之丙戌夜月有白冠癸巳以襄州刺史來

瑱爲安州刺史充淮西申安蘄黃沔等十六州節度使

甲午党項奴刺寇梁州刺史李勉棄郡走丙申党項寇

奉天上不康百僚於佛寺齋僧丁未詔左降官流入一

切放還戊申中書侍郎同平章事徐國公蕭華爲禮部

尚書罷知政事以戶部侍郎元載同中書門下平章事

以禮部尚書韓擇木爲太子太保建巳月庚戌朔

史朝義寇

澤州刺史李抱玉敗之

王子楚州刺史崔旰獻定國寶玉十三枚

一曰元黃天符如笏長八寸闊三寸上圓下方近圓有孔黃玉也二曰玉雞毛文悉備白玉也三曰穀璧白玉也徑可五六寸其文粟粒無雕鐫之迹四曰西王母白環二枚白玉也徑六七寸五曰碧色寶圓而有光六曰如意寶珠形圓如雞卵光如月七曰紅靺鞨大如巨栗赤如櫻桃八曰琅玕珠二枚長一寸二分九曰玉玦形如玉環四分缺一十曰玉印大如半手斜長理如鹿形陷入印中以印物則鹿形著焉十一曰皇后采桑鉤長

五六寸細如筋屈其末似真金又似銀十二日雷公石  
斧長四寸闊二寸無孔細緻如青玉十三寶置於日中  
皆白氣連天僉表云楚州寺尼真如者恍惚上昇見天  
帝帝授以十三寶曰中國有災宜以第二寶鎮之甲寅  
太上至道聖皇天帝崩於西內神龍殿上自仲春不豫  
聞上皇登遐不勝哀悸因茲大漸乙丑詔皇太子監國  
又曰上天降寶獻自楚州因以體元協乎五紀其元年  
宜改爲寶應建巳月爲四月餘月竝依常數仍依舊以  
正月一日爲歲首

丙寅開殿使李輔國飛龍殿副使程元振遷皇后於別殿殺越王係堯王

憫是夜皇帝崩於長生殿

丁卯宣遺詔是日上崩於長生殿年五十

二羣臣上諡曰文明武德大聖大宣孝皇帝廟號肅宗  
寶應二年三月庚午葬於建陵

史臣曰臣每讀詩至許穆夫人聞宗國之顛覆周大夫  
傷宮室之黍離其辭情於邑賦諭勤懇未嘗不廢書興  
歎及觀天寶失馭流離奔播又甚於詩人之於邑也當  
其戎羯負恩奄爲狶突豺豕遽興於轂下胡越寧慮於  
舟中借人之戈持之反刺變生於不意也所幸太王去  
國幽人不忘於周君新莽據圖黔首仍思於漢德是以  
宣皇帝蒙六聖之遺業因百姓之樂推號令朔方旬日  
而車徒雲合旋師右輔期月而關隴砥平故兩都再復

於鑾輿九廟復歆於黍稷觀其迎上皇於蜀道陳拜慶  
於望賢父子於是感傷行路爲之隕涕昔太公迎子或  
從家令之言而西伯事親靡怠寢門之間曾參孝已足  
以擬倫然而道屈知幾志微遠略殘妖未殄宜先恢復  
之謀餘燼纔收何暇昇平之禮方聽王與伏奏輔國贊  
成紺轅躬籍於春郊翠幃先蠶於繭館或御殿曉宣時  
令或登壇宿禮貴神禮卽宜然時何暇給鐘縣未移於  
簞簋思明已陷於洛陽是知祝史疇人安能及遠猶賴  
大臣宣力諸將效忠旄頭終隕於三山杲日重明於六  
合比平王之遷洛我則英雄論元帝之渡江彼誠么麼

寧親復國肅迺休哉

贊曰犬羊犯順輦輅播遷兇徒竟斃景祚重延星馳蜀道兩泣望賢孝宣之諡誰曰不然

新書贊曰天寶之亂大盜遽起天子出奔方是時肅宗以皇太子治兵討賊真得其職矣然以僖宗之時唐之威德在人紀綱未壞孰與天寶之際而僖宗在蜀諸鎮之兵糾合戮力遂破黃巢而復京師由是言之肅宗雖不卽尊位亦可以破賊矣蓋自高祖以來三遜於位以授其子而獨睿宗上畏天戒發於誠心若高祖元宗豈其志哉

唐書卷第十